

চোর

একবার আমরা একটি নতুন আইআইএম-এর জন্য জায়গা নির্বাচন এর জন্য রাঁচি থেকে ধানবাদ যাচ্ছিলাম। পথে, আমরা লক্ষ্য করেছি যে বিপুল সংখ্যক লোক একটি চটের ব্যাগ বহন করছে, এবং সেটি তাদের সাইকেল এর মাঝের ফ্রেমের দুই পাশে অত্যন্ত সুকৌশলে ভারসাম্য বজায় রেখে নিয়ে যাচ্ছে। গোটা রাস্তায় উঁচু নিচু ঢাল ছিল। ঢাল উপরের দিকে গেলে তারা নিচে নেমে সাইকেল এবং তাতে রাখা বোঝা টেনে উপরে নিয়ে যেত। একপাশে কাঠের রড বাঁধা ছিল, যা স্ট্যান্ড হিসাবে ব্যবহৃত হত। আমাদের গোটা পথে, এটি একটি বা দুটি দৃষ্টান্ত নয়, আমরা বেশ কয়েকজনকে পেয়েছি, সম্ভবত কয়েক ডজন।

তারা দলবদ্ধ ছিল না, একলা ই বস্তাগুলো বহন করেছিল, সবাই একে অপরের থেকে বেশ কিছুটা দূরত্ব বজায় রেখে যাচ্ছিল। তাদের ঘামঝরা শরীরে বেশ ক্লান্তই লাগছিল। আমরা, ‘বহিরাগতরা, স্থানীয় যাদের সাথে ছিলাম, তাদের জিজ্ঞাসা করলাম এইভাবে কয়লা বহনকারী এই লোকেরা কারা? "এই মানুষ", হোস্ট বলেন, "এক ধরণের অবৈধ খননের সাথে জড়িত; তারা খোলা খনি থেকে কয়লা খনন করে, সম্ভবত প্রায় ১০০ কেজি পরিমাণে এবং দীর্ঘ দূরত্বে হাঁটা শুরু করে, পরিবার চালানোর জন্য কিছু অর্থ উপার্জনের জন্য গ্রামে অভাবী গ্রাহকদের কাছে অল্প পরিমাণে বিক্রি করে। সব ব্যাগ বিক্রি হয়ে গেলেই তারা ফিরে আসে। মোটামুটি এতে এক থেকে পাঁচ দিন সময় লাগতে পারে।"

"এরা চোর," সহগামী দলের একজন বিশেষজ্ঞ বেশ জোড় গলায় বললেন, "কয়লা চুরি করে!!" আমাদের গাড়ির চালক, যিনি এতক্ষণ চুপচাপ আমাদের কথা শুনছিলেন, তিনি এখন শান্ত হয়ে বললেন, "ওরা চোর নয়। ওরা কিছু কয়লা খনন করার জন্য কঠোর পরিশ্রম করে, তারা ন্যূনতম মূল্যে অভাবী লোকদের কাছে তা বিক্রি করার জন্য দীর্ঘ দূরত্ব অতিক্রম করে এবং পরিবারের জন্য দুবেলা খাবারের জন্য কিছু টাকা নিয়ে বাড়ি ফিরে আসে। সর্বোপরি,

গ্রামবাসী, ধাবাওয়ালা ইত্যাদি সবারই কয়লা দরকার এবং কম দামে এগুলো পাওয়া যায়। কাউকে তো খনি থেকে কয়লা বের করে গ্রাহকদের কাছে পৌঁছে দিতে হবে। বড় কোম্পানি এবং সরকার কি একই কাজ করে না? পার্থক্য হল এই ব্যবহারকারীরা ওই বড় কোম্পানি গুলোর কাছ থেকে পাঁচ থেকে দশ গুণ বেশি দামে এটি পান। এই লোকেরা প্রচুর লাভ করতে পারে না কারণ তারা প্রচুর পরিমাণে খনন, বহন এবং বিক্রি করতে পারে না এবং উচ্চ মূল্যে বিক্রি করতে পারে না।"

আমি ভাবছিলাম যে তারা চোর ছিল নাকি এই “চোর” লেবেলটি কিছু বড় কর্পোরেটদের জন্য উপযুক্ত, যারা এই ধরনের কাজগুলি এমন একটি সংগঠিত উপায়ে করেছে, শ্রমিকদের শ্রমের জন্য কম অর্থ প্রদান করে, গ্রাহকদের কাছ থেকে বেশি দাম নেয় এবং বিপুল লাভের জন্য সরবরাহ সীমিত করে। একজন চোর এবং যে চুরি করে না তার মধ্যে সীমারেখা কী?
